

incedere. Tum spectaculum horribile in campis patentibus, sequi, fugere, occidi, capi, multi vulneribus acceptis, neque fugere posse, neque quiete pati, niti modò, ac statim concidere. Postremò omnia quà visus erat, constrata telis, armis, cadaveribus, & inter ea humus infecta sanguine. Hira & Poto frater qui haud longè à prælio cum turma equitū constiterant, vbi socios premi & penè circunuētos teneri equites, funditores diuersos, dissipatòsque in omnes partes fugere, omnibus ferè cohortium præfectis aut occisis, aut vulneratis, in his Notho Aurelio fortissimo viro, multis grauibúsque vulneribus confecto, vt iam se sustinere non posset, hostes ab vtroque latere instare, & rem esse in angusto vident, in primam aciem cum sua turma procedunt, ceterionibúsque nominatim appellatis, reliquos cohortati milites signa inferre in hostes iubent. Horū aduentu spe illata militibus, ac redintegrato animo, cùm pro se quisque in conspectu tãtorum virorum etiam in extremis suis rebus operam nauare cuperet, paulum hostium impetus tardatus est: quo facto sese cum Claromontano coniunxerunt. In eo prælio ceciderunt ex Francis quadringenti & amplius homines, atque in his paulò clarioris nominis Alebretus, Oruallus, Gulielmus Stuardus, Verduranus, Chastellobrunçus, Rochachartus, Ioannes Chabotus, & vir fortissimus Ioannes Stuardus amplissimo genere natus. Hic cùm fratri intercluso ab hostibus auxilium ferret, illū